

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Der Nibelungen Liet**

**Müller, Christoph Heinrich**

**Berlin, 1782**

Wie er mit den Sahren streit

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

- 525 Swenne ouf demie houe wolden spilen da diu kint.  
Riter unde knechte daz sach vil diche sint.  
Chriemhilt durch die venster diu kuniginne her,  
De heiner churzwile bedorfte si in den citen mer.  
Wester daz sin in sehe die er in herzen truoch.
- 30 Da het er kurzwile immer von genuoch.  
Schen si finit ougen ich wil wol wizen daz.  
Daz im in dirre welde nimmer kunde werden baz.  
Swenner bi den helden ouf dem houe stuont.  
Allo noch die lute durch kurzewile tuont.
- 35 So stuont so minnechliche daz siglinde kint.  
Daz in von herzliche truote manich vrowe sint.  
Er gedaht ouch manige zite wie sol daz geschehen.
- 538 Daz ich die maget edele mit ougen muge sehen.  
Die ich von herzen minne unde lange haq getan.
- 40 Div ist mir noch vil fremde des muoz ich truorich  
gestan.  
So ie die kunige riche riten in ir lant.  
So muosen ouch die rechen mit in alzehant.  
Damite muost ouch sifrit daz was den frouwen leit.  
Er leid ouch von ir minne dike michel arbeit.
- 45 Sus wond er bi den herren daz ist alvar,  
In gunthers lande vollechlich ein iar.  
Daz er die minnechlichen die cit nie gefach.  
Davon im sit vil liebe und leide gefach.

## WIE ER MIT DEN SAHSEN STREIT.

- 549 **N**u nahet fremdit mere in gunthers lant.  
550 Von boten die in verre wurden dar gefant.  
Von unkunden rechen die in truogen haz.  
Do si die rede vernamen leit was in werlich daz.  
Die wil ich in nennen ez was liudger.  
Vzer sahsen lande ein richer furte her.
- 55 Vnd ouch von tenemarche der kunich liudgast.  
Die brahten in ir reise vil manigen herlichen gast.  
Ir boten komen warn in gunthers lant.  
Die sine viende dar here gefant.  
Do vragte man der mare die unchunden man.
- 60 Man hiez die boten balde ze houe fur den kunich  
gan.  
Der kunich si gruozte schone er sprach sit wille cho-  
men.  
Wer iuch her habe gesentet des han ich niht ver-  
nomen.  
Daz sult ir lazen horen sprach der kunich guot.  
Do vorhten si vil sere den grimmen gunthers muot.
- 65 Wel ir kunich erlauben daz wir in mare sagen.  
Diu wir in da bringen so sulen wir niht verdagen.  
Wir nennen in die herren die uns here habent ge-  
fant  
Lidgast und liudger die wellent iuch suochen in z  
lant.  
Ir habet ir zorn verdient ia horten wir wol daz.
- 570 Daz in die herren beide tragent grozen haz.  
Si wellent herverten ze worms an den rin.  
In hilfet vil der degne des sult ir gewarnet sin.  
Inre zwelf wochen diu reise muoz geschen.  
Habet ir iht guoter friunde daz lazet balde sehen.
- 75 Die in Friden helfen die burge und iuriu lant.  
Hie wird von in verhouwen vil manich helme und  
rant.  
Oder welt ir mit in dingen daz enbieter in dar.  
Son ritent in so nahen niht die manigen schar.  
Der iwer starken viende ouf herzerliehiu leit.
- 80 Davon verderben muozen vil guote ritter gemeit.  
Nu beitet einiu wile ich chuudiu minen muot.  
Vnz ich mich baz versinne sprach der kunich guot.  
Han ich guoter iemen die sol ich niht verdagen.  
Disu starchen mere sol ich minen friunden clagen.
- 85 Gunthere dem richem leide wart genuoch.  
Die rede er tougenliche in sine herze truoch.  
Er hiez gewinnen hagnen und ander sine man.  
Vnd bat ouch harte balde zehoue nach gernoten gan.  
Do chomen dar die besten swaz man der da vant.
- 90 Er sprach man wil uns suochen her in unser lant.  
Mit starchen herverten daz lat in wesen leit.  
Des antwurte gernot ein riter chuone unde gemeit.  
Daz wer oc wir mit swerten so sprach gernot.  
Da sterbent wan die veigen die lazen ligen tot.

- 595 Darumbe ich niht vergezzen mac der eren min.  
Die unfer viende sulen uns willechomen sin.  
Do sprach von trony hagne daz dunket mich niht  
guot.  
Liudgast und liudger die tragent vbermuot.  
Wir mugen uns niht besenden in so churzen tagen.
- 600 So sprach der kuone reche ir sultez sifride fagen.  
Die poten herbergen hiez man in die stat.  
Swie uient man in were vil schöne ir pflegen bat.  
Gunther der riche daz was wol getan.  
Vnz er ervant an friunden wer in da wolde gestan.
- 5 Dem kunige in sinen sorgen was doch vil leit.  
Do sach in trurnde ein riter wol gemeit.  
Der niht mohte wizzen was ime was geschehen.  
Do bat er im der märe den kunich gunther veriehen.  
Mich nimt des michel wunder sprach do sifrit.
- 10 Wie ir so habet vercheret die frölichen sit.  
Der ir mit uns nu lange habet alher gepflegen.  
Des antwort ime do gunther der vil cierliche degen.  
Ia mag ich allen luten die swere niht gefagen.  
Die ich muoz tägenliche in mime herzen tragen.
- 15 Man sol stäten friunden chlagen herze not.  
Diu sifrides varwe wart do bleich unde rot.  
Er sprach zuo dem kunige ich han iu niht verseit.  
Ich sol iu helfen wenden elliu iriu leit.  
Welt ir friunt suochen der sol ich einer sin.
- 20 Vnd truowe ez wol volbringen mit euen an daz  
ende min.  
Nu lon iu got her sifrit diu rede dunchet mich guot.  
Vnd ob mir nimmer helfe iwer ellen getuot.  
Ich frou mich doch der märe daz ir mir sit so holt.  
Lebe ich deheine wile ez wirt wol um iuch versolt.
- 25 Ich wil iu hören lazen warumbe ich truorich stan.  
Von boten miner viende ich daz vernomen han.  
Daz si mich wellent suochen mit herverte hie.  
Daz getaten uns noch degne hie ze lande nie.  
Daz lat iuch ahten ringe sprach do sifrit.
- 30 Senftet iwer gemuote tuot des ich iu bit.  
Lat mich iu erwerben eren unde fruomen.  
Vnde bitet iuvre degne daz si iu ze helfe chumen.  
Swenne iwer stanche viende ze helfe mohten han.  
Drizech tufent degne so wold ich si bestan.
- 35 Vnd het ich niht wan tufend des lat iuch an mich.  
Do sprach der kunich gunther daz dien ich immer  
umbe dich.
- 637 So heizet mir gewinnen tufent iur man.  
Sit daz ich der minen bi mir niht en han.  
Ni wan zwelf rechen so wer ich iwer lant.
- 40 Iu sol mit triwen dienen immer sifrides hant.  
Des sol uns helfen hagne und ouch ortwin.  
Danchwart und sindolt die lieben rechen din.  
Ouch so da mit riten volcher der chuone man.  
Der sol den vanen fuoren daz ich des nieman gan.
- 45 Vnd lat die boten riten heim in ir herren lant.  
Daz si uns sehen schiere daz tuo man in bechant.  
So daz unfer burge muozen fride han.  
Do hiez der kunich besend beide mage unde wan.  
Die boten liudigers zehoue giengen do.
- 50 Daz si ze lande folden des waren si vil vro.  
Do bot in riche gabe der kunich gunther guot.  
Vnd schuof in sin geleite des stuont in hohe der muot.  
Nu saget sprach do gunther den starken vienden min.  
Si mugent mit ir reise wol deheime sin.
- 55 Wellen si mich aber suochen her in miniu lant.  
Miern zerinne miner friunde in wirt arebeit bechant.  
Den boten riche gabe man do fur truoch.  
Der het in zegebene gunther genuoch.  
Die wolden niht versprechen die liutgers man.
- 60 Do si vrloub genamen si schieden vrölich dan.  
Do die boten waren ze denemarken chömen.  
Vnd der kunig liudgast hete das vernomen.  
Wie sie von rine chomen als im daz wart gefeit.  
Ir starkez ubermuoten was im werlike leit.
- 65 Si sagten daz si heten vil manigen kuonen man.  
Ouch sahen si darunder einen reken stan.  
Der was geheizen sifrit ein helt uz niderlant.  
Ez leidete liudgaste do er daz mere bevant.  
Do die von tenemarke dirze horten sagen.
- 70 Do ilten si der friunde deste me beiagen.  
Unz daz er liudgast finer chuonen man.  
Zweinzeh tufent degne ze finer reise gewan.  
Do befände sich ouch von sahsen der kuone liudger.  
Vnz si vierzech tufent hoten vnd dan noch mer.
- 75 Mit den si wolden riten in burgonden lant.  
Do hete ouch sich hie heime der kunich gunther be-  
fant.  
Mit den sinen magen und finer bruoder man.  
Die si wolden füren durch urluige dan.  
Vnd ouch die hagnen reken des gie den helden not.

- 680 Darumbe muozen degne sider chiesen den tot,  
Si flizzen sich der reise do si wolden dan.  
Den vanden muose leiten volker der chuone man.  
Also si wolten riten von wormz an den rin,  
Slagne von tronie der muose scharmeister sin.
- 695 Damit reit ouch findolt und der kuone huonolt.  
Die wol gedienen kunden daz gunthers solt.  
Danchwart hagnen bruder und ouch ortwin.  
Die mohten wol mit eren in der herverte sin.  
Her kunich seit hie heime sprach do sifrit.
- 700 Sit daz mir iwer reken wellent volgen mit,  
Belibat bi den frouwen und traget hohen muot.  
Ich trouw wol behuoten beide ere unde guot.  
Diu iuch da wolden suochen ze wormz an den rin,  
Daz wil ich wol behuoten si mugen deheime sin.
- 705 Wir sulen in geriten so nahen in ir lant.  
Daz in ir vbermuoten werde zeforgen bewant.  
Von rine si durch hessen mit ir helden riten.  
Gegen sahsen lande da wart sit gestriten.  
Mit roube und mit brande wuosten si daz lant.
- 700 Daz ez den fursten beiden wart mit arebeit bechant.  
Si chomen uof die marche die knechte zogten dan.  
Sifrit der vil stanche vragten des began.  
Wer sol des gefindes uns nu huten hie.  
Ia wart den sahsen geriten schedilicher nie.
- 715 Si sprachen lat die tumben huten uof den wegen.  
Den kuonen danchwarten der ist ein sneller deggen.  
Wir hiesien desse miner von ludgers man.  
Lat in und ortwinen die niht huote han.  
So wil ich selbe riten sprach sifrit der deggen.
- 720 Vnd wil der warte gen den vienden pfiegen.  
Vnz ich rechte erunde wa die rechen sint.  
Do wart gewafent schiere der schonen siglinden  
kint.  
Daz volch bevalh er hagnen do er wolde dan,  
Unde gernote dem vil kuone man.
- 725 Do reit er eine danne in der sahsen lant.  
Des wart von im verhowen des tages manich helm  
bant.  
Do sach er her daz groze daz uf dem velde lac.  
Daz wider siner helse mit ungesuoge wac.  
Des was wol vierzech tulent oder dan noch baz.
- 730 Sifrit in hohem muote sach vil frolichen daz.  
Do hete sich ouch ein reke gen den vienden dar.
- 722 Erhaben uof die warte der was ze flize gatr.  
Den sach der herre sifrit und in der kuone man.  
Ieweder do des andern mit nide huten began.
- 725 Ich sagiu wer der were der der warte pfach.  
Ein lichter schilt von golde im vor der hende lac.  
Ez was der kunig liudgast der hute siner schar.  
Dirre gast vil edele spranche herlichen dar.  
Nu het ouch in her liudgast vrentlichen erkorn.
- 730 Diu ros si namen beidiu censiten mit den sporn.  
Si neigten uf die schilde die shefte mit ir chraft.  
Des wart der kunich riche mit grozen forgen behaft.  
Diu ros nach stichen truogen diu richen kuniges  
Beide fur einander sam si wete ein wint.
- 735 Mit zoumen wart gewendet vil riterlichen dan.  
Mit swerten ez verluhten die zwene grimme man.  
Do fluoch der herre sifrit daz al daz veld erdoz.  
Do stoup uz dem helme sam von brenden groz.  
Die vwer rote vanchen von des heldes hant.
- 740 Ir ietweder den sinen an dem anderen vant.  
Ouch fluog im her liudgast vil manigen grimmen  
flach.  
Ir ieweders ellen vf schilden vaste lac.  
Do heten daz gehuotet wol drizech siner man.  
E daz im die chomen den sich doch sifrit gewan.
- 745 Mit drin stachen wunden die er dem kunige fluoe.  
Durch eine wize brunne diu was guot genuoc.  
Das swert an sinen eken braht uz wunden bluot.  
Des muose der kunig liudgast haben trworigen muot.  
Er bat sich leben lazzen und bot im sinu lant.
- 750 Vnde sagte im daz er were liudgast genant.  
Do komen sine rechen die heten wol gefehen.  
Was davon in beiden vf der warte was geschehen.  
Er wolt in fuoren dannen do wart er angerant.  
Von drizech sinen mannen do werte des heldes hant.
- 755 Sinen richen gifel mit vngesugen flegen.  
Sit ter schaden mere der werliche deggen.  
Die drizech er ze tode vil werlichen fluoc.  
Er liez ir leben einen balde er reit genuoc.  
Vnd sagte hin diu mare was hie was geschehen.
- 760 Ouch mohte mans die warheit an sime rotem helmen  
sehen.  
Den von tenemarke was vil grimme leit.  
Ir herre was gevangen do in daz was geleit.

- 763 Man sagte ez sinen bruoder toben er began.  
Von ungefügem zorne wan im leide was getan.
- 85 Liudgast der reche was gefüret dan.  
Von sifrides gewalte zuo gunthers man.  
Er bevalch in hagnen do in daz wart gefeit.  
Daz er der kunich were do was in mazlichen leit.  
Man hiez den burgonden ir vanen binden an.
- 70 Wol uof sprach sifrit nie wirt mere getan.  
E sich der tac verende sol ich haben den lip.  
Daz gemuot in sahßen vil manich wätliche wip.  
Ir helde von dem rine ir sült min nemen war.  
Ich chan inuch wol geleiten in liudgers schar.
- 75 So sehet ir helme howen von guoter helde hant.  
E daz wir wider wenden in wirtet förge bechant.  
Ze rossen gahte do gernot unde die sine man.  
Den vanen zuchte balde der chuone spil man.  
Volcher der herre do reit er vor der schar.
- 80 Do was ouch das gefinde zestrife erlichen gar.  
Si fuorten doch niht mere ni wan tusend man.  
Daruber zwelf reken stieben do began.  
Diu molte von den strazen si riten uber lant.  
Do sach man von in schinen vil manigen herlichen rant.
- 85 Do waren ouch die sahßen mit ir scharn chomen.  
Mitswerten wol gewahßen daz han ich sit vernomen.  
Diu swert die sniten sere den helden an der hant.  
Do wolden si den gesten weren burge und lant.  
Der herren schar meister daz volc do fürten dan.
- 90 Do was ouch sifrit chomen mit den sinen man.  
Die er mit in brahte uzer niderlant.  
Des tages wart in sturme vil manich blutigiu hant.  
Sindolt und huonolt und ouch gernot.  
Die fluogen in dem strite vil manigen helt tot.
- 95 a E si rehte erfunden wie chuone was ir lip.  
Daz muose sit beweinen vil manich wätliches wip.  
Volker und hagne und ouch ortwin.  
Lafchten in dem bluote vil maniges helmes schin.  
Mit fliezendem bluote die sturm kuone man.
- 95 b Da wart von danchwarte vil michel wunder getan.  
Die von tenemarche versuohten wol ir hant.  
Do horte man von hurte erdiezen manigen rant.  
Vnd ouch von scharphon swerten der man da vil gefluoch.  
Die strit kuonen sahßen taten schaden da genuoch.
- 800 Do die von burgonden drungen in den strit.  
Von in wart verhowen vil manich wunde wit.  
Do sach man vber fatele vliezen daz bluot.  
Sus wurben nach den eren die helde chuone unde guot.  
Man horte da lute erhellen den helden an der hant.  
5 Diu vil scharpfen wafen do die von niderlant.  
Drungen nach ir herren in die herten schar.  
Si chomen degenliche mit samt sifride dar.  
Volgen der von rine nieman man im sach.  
Man mohte kiesen fliezen den bluotigen bach.  
10 Durch die lichten helme von sifrides hant.  
Den herren Liudgern er nu vor sinen hergesellen vant.  
Dri widerchere het er nu genomen.  
Durch daz her anz ende nu was hagen chomen.  
Der half im wol ervollen in sturme sinen muot.  
15 Des muose da ersterben vor in vil manich riter guot.  
Do der starke liudger sifriden vant.  
Vnd daz er also hohe truoch an siner hant.  
Den guoten balmungen und ir so manigen fluoch.  
Des wart der herre zornich unde grimmich genuoch.  
20 Do wart michel dringen und grozer swerte chlanch.  
Da ir ingefinde zuo einander dranch.  
Do versuohten sie die rechen beide defter baz.  
Die schar begunden wichen sie huop da grozlicher haz.  
Dem vogte von den sahßen was daz wol gefeit.  
25 Sin bruoder was gefangen daz was im harte leit.  
Wol wesser daz ez täte daz siglinde kint.  
Man seh es gernoten wol ervant er ez sint.  
Die flege Liudgers die waren also starch.  
Daz im underm satle struhte daz marc.  
30 Do sich daz ros erholte der kuone sifrit.  
Der gewan in dem sturme einen freilichen sit.  
Des half im hagne und ouch gernot.  
Danchwart und volker des lag ir vil da tot.  
Sindolt und huonolt und ortwin der degen.  
35 Die chunden in dem strite cem tode manigen nider legen.  
In sturme ungescheiden waren die fursten her.  
Do sach man uber helme fliegen manigen ger.  
Durch die lichten schilde von der helde hant.  
Man sach da war nach blnote vil manigen herlichen rant.

- 840 In dem starken sturme erbeizte manich man.  
Nider von den rossen awander liefs an.  
Sifrit der chuone und ouch liudger.  
Man sach da feste vliegen und vil manigen scarfen  
ger.  
Do fluoch daz schilt gespenge von sifrides hant.
- 45 Den sie gedaht erwerben der helt von niderlant.  
An den kuonen sahsen der man wunder sach.  
Heg waz liechter ringe der kuone danchwart zebach.  
Do het der herre Liudger uf eime schilte erkant.  
Gemalt eine krone vor sifrides hant.
- 50 Wol wesser daz ez wære der krefftige man.  
Der helt zuo sinem friunden luote ruofen began.  
Geluobet iuch des srites alle mine man.  
Sun der sigmundes ich hie gesehen han.  
Sifriden den starchen han ich hie bekant.
- 55 In hat der ubel tiufel cen sahsen gefant.  
Die vane hiez er lazen in deme sturme nider.  
Frides er do gerte des werte man in sider.  
Doch muos er werden sigel in gunthers lant.  
Daz het an in berwungen diu sifrides hant.
- 60 Mit gemeinem rate so liezen si den srit.  
Darkel vil der helme und der schilte wit.  
Si leiten von den handen swaz so man der vant.  
Die truogen bluotes varwe von der burgonden lant.  
Si viengen swen si wolten des heten si gewalt.
- 65 Gernot und hagne die reken vil balt.  
Die wunden hiezen barn si fuorten mit in dan.  
Gevangen zuo dem rine funf hunder wetlicher man.  
Die siglosen reken ze tenemarken riten.  
Do heten ouch die sahsen so hohe niht gestriten.
- 70 Daz man in lobes iäbe daz was den helden leit.  
Do wurden ouch die veigen von friunden sere ge-  
leit.  
Si hiezen ir gewesen joumen an den rin.  
Ez hete wol geworben mit den henden sin.  
Sifrit der reke der het ez guot getan.
- 75 Des im iehen muosen alle gunthers man.  
Gegen wormes lande der herre gernot.  
Keim ze sinem lande den friunden er enbot.  
Wie gelungen were im und sinen man.  
Ez heten die vil kuonen wol nach eren getan.
- 80 Die garzune liefsen von den ez wart gefeit.  
Da freuten sich von liebe die e heten leit.
- 881 Dirre lieben mere diu in da waren komen.  
Da wart von edelen frouwen michel fragen ver-  
nomen.  
Wie gelungen were des richen kuniges man.
- 85 Man hiez der boten einen fur chriemhilde gan.  
Daz geschach vil tougen jan torstet vber lut.  
Wan si hete darunder ein liebez herzen truot.  
Do si den boten komende zir kemenate sach.  
Chriemhilt diu sehöne vil gutlichen sprach.
- 90 Nu sag an liebiu mere ia gib ich dir min golt.  
Tuostuz an liegen ich wil dir immer wesen holt.  
Wie schiet uz dem strite min bruoder gernot.  
Vnd ander mine friunde ist uns ieman tot.  
Oder wer det daz beste daz solt du mir sagen.
- 95 Do sprach der bote schiere wir heten nider einen  
zagen.  
Ze ernste und ze strite reit nieman also wol.  
Vil edeliu kuniginne sit ich iuz sagen sol.  
So der gast vil edele uzer niderlant.  
Da worhte michel wunder des kuonen sifrides hant.
- 900 Swaz die reken alle in strite han getan.  
Danchwart und hagne und anders kuniges man.  
Swaz si na eren sriten das was gar ein wint.  
Wan aicine sifrit des kunich sigmundes kent.  
Si fruohten in dem sturme der helden vil erlagen.  
5 Doch moht im dizze wunder nieman wol gelagen.  
Waz da worhte sigrit Swenner ze strite reit.  
Den frouwen an ir magen tet er diu grozlichen leit.  
Ovch musste da beliben vil maniger frouwen truot.  
Sin flege man horte vf helmen also lut.
- 10 Daz si von wunden brahten daz fliezende bluot.  
Er ist an allen dingen ein riter kuone unde guot.  
Swaz da hat begangen von meece ortwin.  
Swaz er ir mohte erlangen mit dem swerte sin.  
Die mouzen wund beliben oder meistece tot.
- 15 Da tet iwer bruoder die allergrozisten not.  
Diu immer in den sturmen chunde sin geschehen.  
Man muoz der warheite dem uzerwelten iehen.  
Die stolzen burgonden habent so gevorn.  
Daz si vor allen schanden sich kunnen wol beworn.
- 20 Man sach da von ir handen vil manigen fatel bloz.  
Da von lichten swerten daz velt so lute erdoz.  
Die reken von dem rine die habent so geriten.

- 933 Daz ez ir vienden wäre bezer vermeiden.  
Die kuonen troniere die fruomten groziu leit.
- 25 Do mit volkes kreften daz hier ze samne reit.  
Da fruunte manigen toten des chuonen hagnen hant.  
Des vil ze sagen were her in burgonden lant.  
Sindolt und huonolt die gernotes man.  
Und ruomolt der kuone die hant so vil getan.
- 30 Daz ez liudgere mag immer wesen leit.  
Daz er den iwren magen ee Rine widerseit.  
Strit den allerhohften der inder da geschah.  
Ze jungest und zem ersten den jeman da geschah.  
Den tet vil degenlichen diu sifrides hant.
- 35 Er bringet rike gifle in gunthers lant.  
Die twanch mit sinen ellen der wätlike man.  
Desouch der kunich liudgast muoz den schaden han.  
Vnd ouch von sähnen lande sin brüoder ludger.  
Nu höre miniu märe edel kuniginne her.
- 40 Si hat gevangen beide diu sifrides hant.  
Nie so manigen gyfel man braht in dize lant.  
So von sinen schulden nu kumt an den rin.  
Ir chunden diu mere nimmer lieber gesin.  
Man bringet der gefunden synf hundert oder baz.
- 45 Vnd der verchunden wizet frouwe daz.  
Wol ahzech rote bare her in unser lant.  
Die meist hat verhowen des kuonen sifrides hant.  
Die durch vbermuote widerseiten an den rin.  
Die muozen nu gevangen die gunthers sin.
- 50 Die bringet man mit vrouden her in dize lant.  
Do erbluote ir lichtiu varme do si diu mere rehte bevant.  
Ir schonez antlize daz wart rosen rot.  
Do mit liebe was gescheiden vz so grözer not.  
Sifrit der iunge der wätliche man.
- 55 Si vreute ouch sich ir friunde daz was von schulden getan.  
Do sprach diu minnechliche du hast mir wol geseit.  
Du solt darumben haben ze miete richiu chleit.  
Cehen march von golde die heize ich dir nu tragen.  
Des mach man solhiu märe richen frouwen gerne sagen.
- 60 Man gepime sine miete daz golt und ouch daz cleit.  
Do gie an diu venster vil manich schöniu meit.  
Si warten vf die straze riten man do vant.
- 963 Vil der hoch gemuoten in der burgunden lant.  
Da chomen die gefunden die wunden taten sam.
- 65 Si mohten gruozen houren von friunden ane scham.  
Der wirt gen sinen gesten vil frolichen reit.  
Mit frouden was verendet sin grozlichez leit.  
Do enphie er wol die sine die fremden tet er sam.  
Wan dem riken kunige anders niht enzam.
- 70 Wan danken gütliche den die im waren chomen.  
Daz si den sie nach eren in storne heten genomen.  
Gunther bat im märe von sinen friunden sagen.  
Wer im an der reise ze tode waren erslagen.  
Do het er verlorn niemen ni wan sechzech man.
- 75 Verchlagen man die müse so sit vil helden sint getan.  
Die gefunden brahten zerhowen manigen rant.  
Von helme vil verscroten in gunthers lant.  
Daz volk erbeizte nider für des kuniges sal.  
Ze lieben anfange man horte grozlichen schal.
- 80 Do hiez man herbergen die rechen in die stat.  
Der kunich finer geste vil schone pflegen bat.  
Er hiez der wunden huoren und schafen guot gemacht.  
Wol man sine tugende an sinen vienden sach.  
Er sprach ze liudgaste nu sit mir willechomen.
- 85 Ich han von iwren schulden schaden vil genomen.  
Der wirt mir nu vergolten ob ich geluche han.  
Got lone minen friunden si habent liebe mir getan.  
Ir muget in gerne danchen sprach do liudger.  
Also hoher gyfel gewan nie chunich mer.
- 90 Vmbe schone huote wir geben michel guot.  
Daz ir genedichlichen an iwren vienden tuot.  
Ich wil iu beide lazen sprach er ledech gen.  
Daz mine viende hie bi mir besten.  
Des wil ich haben purgen daz si miniu lant.
- 95 Ihr rumen ane hulde des bot do Liudger die hant.  
Man brahte si ze rüwe und schuof in ir gemacht.  
Den wunden man gebettet vil guotlichen sach.  
Man sehanchte den gefunden met und guoten win.  
Do chunde daz gefinde nimmer frolicher sin.
- 1000 Ir zerhowen schilde behalten man do truoch.  
Vil bluotiger setle der was da genuoch.  
Die hiez man verbergen daz weinten niht diu wip.  
Da kom her vil muode maniges guoten ritters lip.  
Der kunich pfac finer geste vil guotlichen wol.

- 1005 Der fremden vnd der kunden diu lant waren vol.  
Er bat der fer wunden vil guotlichen phlegen.  
Do was ir übermnoten vil harte ringe gelegen.  
Die erzenie chunden den bot man richen solt.  
Silber ane wage darzuo daz lichte golt.
- 10 Daz sich die helde nerten nach des srites not.  
Dazzuo der kunich den gesten gabe grozlichen  
bot.  
Die wider heim ze hûse heten reise muot.  
Die bat man noch beliben so man friunden tuot.  
Der kunich gie ze rate wie er lonte sinen man.
- 15 Si heten sinen willen nach grozen eren getan.  
Do sprach der herre gernot man sol si riten lan.  
Vber sehs wochen si in daz chunt getan.  
Daz si chomen widere zeiner hochgecit.  
So ist maniger geheilet der noch wunde lit.
- 20 Do gerte ouch urloubes sifrit von niderlant.  
Do der kunich gunther den willen sin ervant.  
Er bat im minnechlichen noch bi im bestan.  
Ni wan durch sin swefter son werez niht getan.  
Darzuo was er riche daz er iht neme solt.
- 25 Er hetez wol verdienet der kunich was im holt.  
Sam waren sine magen die heten daz gesehen.  
Waz von sinen handen in dem srite was gesehen.
- 1018 Durch der schönen willen gedaht er noch bestan.  
Ob er si sehen mohte sit wart ez getan.
- 30 Wol nach sinen willen wart im diu maget bachant.  
Sit reit er froliche in sigemundes lant.  
Der wirt hiez ze allen ziten ritercheffe pflegen.  
Daz tet vil willechlichen do manich iunger degen.  
Die wile kiez er sideln vor wormz an den fant.
- 35 Den die im kômen solden in der burgonden lant.  
In denselben ziten do si nu solden chomen.  
Do het diu schone chriemhilt diu mâre wol ver-  
nomen.  
Er wolde hochgecite durch liebe friunde han,  
Do wart vil michel flizen von schonen frowen ge-  
tan.
- 40 Mit wete unt mit gebende daz si da solden tragen.  
Uote diu vil riche diu mere horte sagen.  
Von den stolzen reken die da solden chomen.  
Do wart uz der valde vil richer chleider genomen.  
Durch ir künde liebe hiez si bereiten chleit.
- 45 Da mite wart gezieret vil frouwen vnde meit.  
Vnd vil der jungen rechen vz burgonden lant.  
Si hiez ouch vil den fremden bruoven herlich ge-  
want.

## WIE SIFRIT KRIEMHILT ERST GESACH.

- 1048 **M**an sach si regelichen nu riten an den rin.  
Die zer hochgecite gerne wolden sin.
- 50 Die durch des kuniges liebe chomen in daz lant.  
Den bot man sumelichen ros und gewant.  
In was ir gesidele allen wol bereit.  
Den hohsten und den besten als uns daz ist geseit.  
Zwein und drizech fursten da zer hochgecit.
- 55 Da cierten sich engegene alle frouwen wider srit.  
Ez was da vil un müzech gyselher daz kint.  
Die geste mit den kunden vil guetlichen sint.  
Die enphieng er und gernot und ouch ir beider  
man.
- Ja gruozten si die degne als ez nach eren was getan.
- 1060 Vil golt rorer setle si suorten in daz lant.  
Gierliche schilde und erlich gewant.  
Brahten si ze rine zuo der hochgecit.  
Manigen ungesundun sach man frolichen sit.  
Die in den beten lagen und heten wunden not.
- 65 Die muosen des vergezen wie herte was der tot.  
Die siechen ungesundun muosen si verchlagen.  
Si frouten sich der mere gen der hochgezite tagen.  
Wie si leben solden da ze der wirtschafft.  
Wunne ane maze mit frouden vber chraft.
- 70 Heten al die lûte swaz man ir da vant.  
Des huop sich michel froude vber al daz gunthers  
lant.